

1. TÍTULO DO PROGRAMA / AXUDA

Plan renova o teu vehículo para persoas físicas e empresarios e selección entidades colaboradoras (IN421T e IN421U)

2. FINALIDADE / OBXECTIVO

Concesión de **subvencións para a adquisición no ano 2024 de vehículos do Plan Renova o teu vehículo por parte de persoas físicas e empresas** que cumpran cos requisitos e condicións establecidos no articulado da Orde de convocatoria.

3. TIPOS DE APOIO

Axudas a fondo perdido suxeitas ao réxime de mínimos

4. BENEFICIARIOS POTENCIAIS

Poderán ser beneficiarias das subvencións, sen prexuízo de reuniren os demais requisitos establecidos nestas bases, os suxeitos que se enumeran a continuación:

a) As persoas físicas con residencia habitual no territorio da Comunidade Autónoma de Galicia.

b) As empresas legalmente constituídas e os empresarios autónomos, que teñan domicilio social ou algún centro de traballo en Galicia.

2. Non poderán ter a condición de beneficiarias destas axudas:

a) Non poderán ser destinatarios últimos das axudas os concesionarios ou puntos de venda cuxa epígrafe da sección primeira das tarifas do imposto sobre actividades económicas, aprobado polo Real decreto lexislativo 1175/1990, do 28 de setembro, sexa a 615.1 ou 654.1

b) Non poderán ter a condición de beneficiarias as persoas ou entidades en que concurra algunha das circunstancias previstas nos números 2 e 3 do artigo 10 da Lei 9/2007, do 13 de xuño, de subvencións de Galicia.

c) Non poderán ter a condición de persoa beneficiaria as empresas en que concurra algunha das causas de exclusión previstas no artigo 1 do Regulamento (UE) nº 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas de minimis, no artigo 1 do Regulamento (UE) nº 1408/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas de minimis no sector agrícola, e no artigo 1 do Regulamento (UE) núm. 717/2014 da Comisión, do 27 de xullo de 2014, relativo a aplicación dos artigos 107 e 108 do Tratado de funcionamento da Unión Europea ás axudas de minimis no sector da pesca e da acuicultura.

3. Os requisitos para obter a condición de persoa beneficiaria deberánse cumprir, como máis tarde, na data límite de remate do prazo de presentación de solicitudes.

5. SECTORES INCENTIVABLES

Entidades colaboradoras adheridas a este programa: puntos de venda de vehículos

As persoas físicas, autónomos e empresarios que soliciten estas axudas para renovar o seu vehículo.

6. REQUISITOS PRINCIPAIS DO PROXECTO

Requisitos e regras xerais

1. Cando se trate de axudas en que as persoas beneficiarias sexan autónomos, empresas, ou outras entidades que emprendan actividades económicas que repercutan en terceiros, están suxeitas ás condicións que se establecen no réxime de axudas de minimis,

2. Poderán obter dereito á subvención todas aquelas actuacións recollidas no artigo 3 destas bases reguladoras desta Orde de convocatoria de axudas, que se executen dentro do territorio da Comunidade Autónoma, logo de tramitación da solicitude prevista no artigo 10 das bases, en que a adquisición do vehículo se realice entre o 1 de xaneiro e o 30 de setembro de 2024, e cumpran cos demais requisitos exixidos nela.

Os trámites que se realicen entre as partes con anterioridade á presentación da solicitude non garantan a dispoñibilidade de financiamento por parte do Inega para a concesión da subvención.

3. As actuacións axustaranse ás especificacións indicadas nas presentes bases e á normativa sectorial (comunitaria, estatal e autonómica) en materia de enerxía <https://www.xunta.gal/diario-oficial-galicia>

4. Que o solicitante non fose sancionado pola Consellería de Economía, Industria e Innovación pola comisión de infraccións en materia de subvencións no prazo dun ano se a infracción foi cualificada como leve, de dous anos se a infracción foi cualificada como grave ou tres anos se a infracción foi cualificada como moi grave.

Os prazos computaranse desde a data de remate do prazo de presentación das solicitudes.

Para acceder á subvención, será requisito imprescindible que o adquirente titular do vehículo subvencionable acredite a baixa definitiva en circulación dun vehículo que se vaia achatarrar no Rexistro de Vehículos da Dirección Xeral de Tráfico, mediante a presentación do correspondente certificado acreditativo da baixa definitiva do vehículo.

O vehículo que se vaia achatarrar deberá ser, indistintamente, de categoría M1 ou N1, estar matriculado en España e ter unha antigüidade, contada desde a data da súa primeira matriculación e ata o día en que se fai a solicitude da axuda, de polo menos dez anos no caso de vehículos M1 ou de cinco anos no caso de vehículos N1.

Adicionalmente, o vehículo que se vaia achatarrar deberá estar ao día no pagamento do imposto sobre vehículos de tracción mecánica e o adquirente titular do vehículo susceptible de axuda, o cónxuxe ou un familiar de primeiro grao (por consanguinidade ou afinidade) deberá ter a titularidade do vehículo achatarrado, como mínimo, desde o día anterior ao da publicación desta convocatoria.

7. CUALIFICACIÓN REQUERIDA DO PROXECTO

8. INVERSIÓN E/OU GASTOS COMPUTABLES

Será subvencionable a adquisición de vehículos novos cun custo inferior ou igual a 42.000 € (impostos incluídos), que se amplía a 47.000 € (impostos incluídos) para vehículos eléctricos con autonomía maior a 30 km en modo eléctrico, que cumpran os seguintes requisitos:

- a) *Vehículos M1 (turismos) cun valor de emisións iguais ou inferiores a 125 g CO₂ /km. b) N1 (furgonetas) cun valor de emisións inferiores ou iguais a 120 g CO₂ /km no caso de vehículos con MTMA < 2.500 kg ou cunhas emisións inferiores ou iguais a 185 g CO₂ /km no caso de vehículos con MTMA ≥ 2.500 kg.*
- b) Unha persoa física só poderá adquirir un único vehículo M1 ou N1.
- c) Un autónomo ou empresa so poderá adquirir un máximo de dez vehículos.
- d) ***Para os efectos destas bases establécense as seguintes categorías de proxectos en función do vehículo adquirido:***

Categoría proxecto Vehículo novo adquirido

Tipo 1 Turismos (M1) con emisións iguais ou inferiores a 110 g CO₂ /km

Tipo 2 Turismos (M1) con emisións iguais ou inferiores a 125 g CO₂ /km

Tipo 3 Furgonetas (N1) con emisións iguais ou inferiores a 120 g CO₂ /km no caso de vehículos con MTMA < 2.500 kg ou cunhas emisións inferiores ou iguais a 185 g CO₂ /km no caso de vehículos con MTMA ≥ 2.500 kg

Para verificar o cumprimento destes requisitos terase en conta a información dispoñible na base de datos de vehículos dispoñible na páxina web do IDAE e no caso de non estar dispoñible a dita información ou ser contraditoria terase en conta a documentación acreditativa do fabricante.

En fase de xustificación, en caso de controversia prevalecerá a información que figure na tarxeta de inspección técnica do vehículo adquirido.

Defínese:

– **Turismos M1:** vehículos de motor con polo menos catro rodas deseñados e fabricados para o transporte de pasaxeiros, que teñan, ademais do asento do condutor, oito prazas como máximo. CVE-DOG:

<https://www.xunta.gal/diario-oficial-galicia>

– **Furgonetas ou camiións lixeiros N1:** vehículos de motor concibidos e fabricados principalmente para o transporte de mercadorías e cuxa masa máxima en carga tecnicamente admisible (MTMA) non supere as 3,5 toneladas.

– **MTMA** refírese á masa técnica máxima admisible definida segundo a normativa vixente.

9. CONTÍA DAS AXUDAS

Na seguinte táboa especificase a axuda máxima en función do tipo de proxecto definido no artigo

Tipo de proxecto // a) Axuda Inega (€) // b) Axuda adicional familias numerosas (€) // c) Desconto concesionario (€) // d) Total (€)

Tipo 1 // a) 3.000 € // b) 600 € // c) 1.000 € // d) 4.000 € // e) 4.600 €

Tipo 2 // a) 2.000 € // b) 400 € // c) 1.000 € // d) 3.000 € // e) 3.400 €

Tipo 3 // a) 2.000 € // b) 400 € // c) 1.000 € // d) 3.000 € // e) 3.400 €

A segunda cantidade de cada tipo (b) é exclusiva para solicitantes que formen parte dunha familia numerosa, para os cales a axuda do Inega se incrementa un 20 %.

O aforro por vehículo do Plan Renova o teu vehículo corresponderá unha parte á axuda pública e outra a un desconto antes de impostos asumido polo fabricante/importador ou punto de venda.

En ningún caso a contía da axuda poderá ser superior ao custo da actuación que se define como o custo do vehículo sen incluír a axuda pública.

Deberase garantir que para as empresas beneficiarias doutras axudas baixo o réxime de minimis non superan o límite de 200.000 € nun período de tres exercicios fiscais. Para as empresas do sector transporte de mercadoría por estrada este límite redúcese a 100.000 €. Para as empresas do sector da pesca as axudas de minimis totais que se concedan a unha mesma empresa non poderán superar os 40.000 € durante calquera período de tres exercicios fiscais. Para as empresas do sector agrícola o límite de minimis redúcese a 20.000 € durante calquera período de tres exercicios

10. PRAZO DE PRESENTACIÓN DE SOLICITUDES

As solicitudes das axudas presentaranse a través dos concesionarios de automóviles que actuarán como entidades colaboradoras

As solicitudes de adhesión presentaraas a entidade colaboradora interesada segundo o formulario normalizado anexo II desta resolución, xunto coa documentación que se indica nas bases reguladoras

As solicitudes de axudas presentaranas as entidades colaboradoras segundo o modelo formulario normalizado anexo IV desta resolución, xunto coa documentación que se indica nas bases reguladoras.

As solicitudes presentaranse obrigatoriamente por medios electrónicos para os dous procedementos, a través do formulario normalizado accesible desde a sede electrónica da xunta de Galicia (<https://sede.xunta.gal>),

ou ben desde a páxina web do Inega (<http://www.inega.gal>),

O prazo de presentación de solicitudes de adhesión das entidades colaboradoras comezará a partir do primeiro día hábil seguinte ao da publicación no DOG da presente resolución e rematará o 15 de setembro de 2024 e para solicitar a súa adhesión a entidade colaboradora terá que cubrir e confirmar o formulario de adhesión (anexo II).

O prazo de presentación de solicitudes de axuda comezará o 17 de xaneiro de 2024 ás 9.00 horas (inicio do período subvencionable) e rematará o 30 de setembro de 2024 ou cando se esgoten os fondos. A entidade colaboradora terá que cubrir e confirmar o formulario de solicitude de axuda (anexo IV).

A adquisición do vehículo obxecto da subvención poderase efectuar a partir do 1 de xaneiro de 2024

11. INCOMPATIBILIDADES

As subvencións concedidas ao abeiro desta convocatoria serán incompatibles con outras axudas, subvencións ou recursos destinados á mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais

12. REFERENCIA LEXISLATIVA

RESOLUCION DO 27 DE NOVEMBRO DO 2023 (DOG 14 DECEMBRO DO 2024)

13. INFORMACIÓN E TRAMITACIÓN

Na páxina web do Inega (www.inega.gal) e no correo electrónico inega.info@xunta.gal 2. No teléfono 981 54 15 00.

14. OBSERVACIÓNS